

摘藻堂四庫全書薈要

集部

欽定四庫全書薈要卷一萬八千三

集部

御定全唐詩卷五百九十八

高駢

高駢字千里南平郡王崇文之孫家世禁衛幼頗修飭
折節為文學初事朱叔明為司馬後歷右神策軍都虞
候秦州刺史咸通中拜安南都護進檢校刑部尚書以
都護府為靜海軍授駢節度兼諸道行營招討使僖宗
立加同中書門下平章事遷劔南西川節度進檢校司

徙封燕國公徙荆南節度加諸道行營都統鹽鐵轉運
等使俄徙淮南節度副大使廣明初進檢校太尉東面
都統京西京北神策軍諸道兵馬等使封渤海郡王為
部將畢師鐸所害詩一卷

言懷

恨乏平戎策慙登拜將壇手持金鉞冷身挂鐵衣寒主
聖扶持易恩深報効難三邊猶未靜何敢便休官

寄鄠杜李遂良處士

小隱堪忘世上情可能休夢入重城池邊寫字師前輩
座右題銘律後生吟社客歸秦渡晚醉鄉漁去漢陂晴
春來不得山中信盡日無人傍水行

和王昭符進士贈洞庭趙先生

為愛君山景最靈角冠秋禮一壇星藥將雞犬雲間試
琴許魚龍月下聽自要乘風隨羽客誰同種玉驗仙經
煙霞澹泊一作寂莫無人到唯有漁翁過洞庭

依韻奉酬李迪

柳下官資顏子居閒情入骨若為除詩成斬將奇難敵
酒熟封侯快未如只見絲綸終日降不知功業是誰書
而今共飲醇滋味消得揶揄勢利踈

留別彰德軍從事范校書

無金寄與白頭親節槩猶誇似古人未出塵埃真落魄
不趨權勢正因循桂攀明月曾觀國蓬轉西風却問津
匹馬東歸羨知己燕王臺上結交新

途次內黃馬病寄僧舍呈諸友人

官閒馬病客深秋肯學張衡咏四愁紅葉寺多詩景致
白衣人盡酒交游依違諷刺因行得澹泊供需不在求
好與高陽結吟社况無名跡達珠旒

遣興

浮世忙忙蟻子羣莫嗔頭上雪紛紛沈憂萬種與千種
行樂十分無一分越外險巇防俗事就中拘檢信人文
醉鄉日月終須覓去作先生號白雲

南海神祠

滄溟八千里今古畏波濤此日征南將安然渡萬艘

送春

水淺魚爭躍花深鳥競啼春光看欲盡判却醉如泥

海翻

幾經人事變又見海濤翻徒起如山浪何曾洗至冤

筇竹杖寄僧

堅輕筇竹杖一枝有九節寄與沃洲人

一作僧

閒步青山

月

遣興

把盞非憐酒持竿不為魚
唯應嵇叔夜似我性慵疎

歎征人

心堅膽壯箭頭親
十載沙場受苦辛
力盡路旁行不得
廣張紅旆是何人

湘妃廟

帝舜南巡去不還
二妃幽怨水雲間
當時珠淚垂多少
直到如今竹尚斑

赴安南却寄台司

曾驅萬馬上天

一作靜江

山風去雲回頃刻間今日海門南

面事莫教還似鳳林關

閨怨

人世悲歡不可知夫君初破黑山歸
如今又獻征南策
早晚催縫帶號衣

馬嵬驛

玉顏雖掩馬嵬塵
冤氣和煙鎖渭津
蟬鬢不隨鑾駕去

至今空感往來人

宴犒蕃軍有感

蜀地恩留馬，鬼哭煙雨濛濛。
春草綠滿眼，由來是舊人。
那堪更奏梁州曲。

寓懷

關山萬里恨難消，鐵馬金鞭出塞遙。
為問昔時青海畔，幾人歸到鳳林橋。

步虛詞

青溪道士人不識上天下天

一作地

鶴一隻洞門深鎖碧

窓寒滴露研朱點周易

贈歌者二首

酒滿金船花滿枝佳人立唱慘愁眉一聲直入青雲去

多少悲歡起此時

一作酒滿金尊花滿枝雙蛾齊唱鴈鵲詞清聲揭入雲間去駐得春風花

落遲

公子邀歡月滿樓雙成

一作佳人

揭調唱伊州便從席上風

沙

一作秋風

起直到陽

一作蕭

關水盡頭

入蜀

萬水千山音信希
空勞魂夢到京畿
漫天嶺上頻回首
不見虞封淚滿衣

邊城聽角

席箕風起鴈聲秋
隴水遶沙滿目愁
三會五更欲吹盡
不知凡白幾人頭

渭川秋望寄右軍王特進

長川終日碧潺湲
知道天河與地連
憑寄兩行朝闕淚

願隨流入御溝泉

山亭夏日

綠樹陰濃夏日長
樓臺倒影入池塘
水精簾動微風起
滿架薔薇一院香

蜀路感懷

蜀山蒼翠隴雲愁
鑿駕西巡陷幾州
惟有縈回深澗水
潺湲不改舊時流

殘春遣興

畫舸輕撓柳色新
摩訶池上醉青春
不辭不為青春醉
只恐鶯花也怪人

春日招賓

花枝如火酒如錫
正好狂歌醉復醒
對酒看花何處好
延和閣下碧筠亭

過天威徑

豺狼坑盡却朝天
戰馬休嘶瘴嶺煙
歸路嶮巖今坦蕩
一條千里直如弦

對花呈幕中

海棠初發去春枝，首唱曾題七字詩。
今日能來花下飲，不辭頻把使頭旗。

寄題羅浮別業

不將真性染埃塵，為有煙霞伴此身。
帶日一作月長江好

歸信一作去博羅山下碧桃春

塞上曲二首

二年邊戍一作塞絕煙塵，一曲河灣萬恨新。
從此鳳林關

外事不知誰是苦心人

隴上征夫隴下鬼死生同恨漢將軍不知萬里沙場苦
空舉平安火入雲

廣陵宴次戲簡幕賓

一曲狂歌酒百分蛾眉畫出月爭新將軍醉罷無餘事
亂把花枝折贈人

安南送曹別勅歸朝

雲水蒼茫日欲收野煙深處鷓鴣愁知君萬里朝天去

為說征南已五秋

對雪

六出飛花入戶時坐看青

一作修

竹變瓊枝如今

一作逡巡

好

上高樓望

一作看

蓋盡人間惡路岐

訪隱者不遇

落花流水認天台半醉閒吟獨自來惆悵仙翁何處去
滿庭紅杏碧桃開

赴西川途經虢縣作

亞夫重過柳營門路指岷峨隔暮雲紅額少年遮道拜
殷勤認得舊將軍

錦城寫望

蜀江波影碧悠悠四望煙花匝郡樓不會人家多少錦
春來盡挂樹梢頭

太公廟

青山長在境長新寂莫持竿一水濱及得王師身已老
不知辛苦為何人

邊方春興

草色青青柳色濃
玉壺傾酒滿金鐘
笙歌嘹亮隨風去
知盡關山第幾重

塞上寄家兄

棣萼分張信使希
幾多鄉淚濕征衣
笳聲未斷腸先斷
萬里胡天鳥不飛

寫懷二首

漁竿消日酒消愁
一醉忘情萬事休
却恨韓彭興漢室

功成不向五湖遊

花滿西園月滿池
笙歌搖曳畫船移
如今暗與心相約
不動征旗動酒旗

池上送春

持竿閒坐思沈吟
釣得江鱗出碧潭
回首看花花欲盡
可憐寥落送春心

南征叙懷

萬里驅兵過海門
此生今日報君恩
回期直待烽煙靜

不遣征衣有淚痕

風箏

一作題風
箏寄意

夜靜弦聲響碧空
宮商信任往來風
依稀似曲才堪聽

又被移將

一作風吹

別調中

平流園席上

畫舸搖煙水滿塘
柳絲輕軟小桃香
却緣龍節為縈絆
好是狂時不得狂

聞河中王鐸加都統

煉汞燒鉛四十年至今猶在藥爐前不知子晉緣何事
只學吹簫便得仙

句

人間無限傷心事不得尊前折一枝 滿宮多少承恩
者似有容華妾也無 滿身珠翠將何用唯與豪家拂
象牀 何人種得西施花千古春風開不盡

以上見桂
苑叢談

御定全唐詩卷五百九十八

謹案卷五百九十五第二頁後一行長信宮按才
調集作長信愁

第三頁前三行不盡洛陽塵刊本塵訛城據才調
集改

第七頁後八行感情按才調集作有威

卷五百九十六第五頁後八行行客暗中住按住
字複韻係訛

總校官庶吉士臣張能照
校對官檢討臣郭寅
謄錄監生臣馬嗣仝

總校官庶吉士臣張能照

校對官檢討臣郭寅

謄錄監生臣馬嗣仝

欽定四庫全書薈要

集部

御定全唐詩卷

五百九十九至
六百二

詳校官原任事

臣李斯咏

欽定四庫全書薈要卷一萬八千四

集部

御定全唐詩卷五百九十九

于瀆

字子漪咸通進士終泗州判官詩一卷

青樓曲

青樓臨大道一上一回老所思終不來極目傷春草

塞下曲

紫塞曉屯兵黃沙披甲臥

一作赤子別父
母犬戎園遯安

戰鼓聲未齊

烏鵲已相賀燕然山上雲半是離鄉魂衛霍待

一作富

貴豈能無

一作清

乾坤

一作不知誰與論

山村曉思

開門省禾黍鄰翁水頭住今朝南澗波昨夜西川雨牧
童披短蓑腰笛期煙渚不問水邊人騎牛傍山去

馬嵬驛

常經馬嵬驛見說坡前客一從屠貴妃生女愁傾國是
日芙蓉花不如秋草色當時嫁匹夫不妨得頭白

苦辛

一作吟
辛苦

隴上扶犁兒手種腹長飢窗下拋

一作前擲

梭女手織身無

衣我願燕趙姝化為嫫母姿一笑不值錢

一作金

自然家

國肥

野蠶

野蠶食青桑吐絲亦成繭無功及生人何異偷飽煖我
願均爾絲化為寒者衣

秦原覽古

耕者戮力地龍虎曾角逐火德道將亨夜逢蛇母哭昔
日望夷宮是處尋桑穀漢祖竟為龍趙高徒指鹿當時
行路人已合傷心目漢祚又千年秦原草還綠

古宴曲

雉扇合蓬萊朝車回紫陌重門集嘶馬言宴金張宅燕
娥奉卮酒低鬟若無力十戶手胼胝鳳凰釵一隻高樓
齊下視日照羅衣

一作綺

色笑指負薪人不信生中國

南越謡

迢迢東南天巨浸無津孺雄風卷昏霧干戈滿樓船此
時尉佗心兒童待幽燕三寸陸賈舌萬里漢山川若令
交趾貨盡生虞芮田天意苟如此遐人誰肯憐

述已歎

不長不成人及長老逼身履善本求樂及善尤苦辛如
何幽并兒一箭取功勲

遼陽行

遼陽在何處妾欲隨君去義合齊死生本不誇機杼誰

能守空閨虛問遼陽路

旅館秋思

旅館坐孤寂出門成苦吟何事覺歸晚黃花秋意深寒
蝶戀衰草軫我離鄉心更見庭前樹南枝巢宿禽

長城

秦皇豈無德蒙氏非不武豈將版築功萬里遮胡虜團
沙世所難作壘明知苦死者倍堪傷僵屍猶抱杵十年
居上郡四海誰為主縱使骨為塵冤名不入土

田翁歎

一本下有桑字

手植千樹桑
文杏作中梁
頻年徭役重
盡屬富家郎
富家田業廣
用此買金章
昨日門前過
軒車滿垂楊
歸來說向家
兒孫竟咨嗟
不見千樹桑
一浦芙蓉花

沙場夜

城上更聲發
城下杵聲歇
征人燒斷蓬
對泣沙中月
耕牛朝輓甲
戰馬夜銜鐵
士卒浣戎衣
交河水為血
輕裘兩都客
洞房愁宿別
何況遠辭家
生死猶未決

里中女

吾聞池中魚不識海水深
吾聞桑下女不識華堂陰
貧窗苦機杼富家鳴杵砧
天與雙明眸只教識蒿簪
徒惜越娃貌亦蘊韓娥音
珠玉不到眼遂無奢侈心
豈知趙飛燕滿髻釵黃金

寒食

二月野中芳凡花亦能香
素娥哭新塚樵柯鳴柔桑
田父引黃犬尋狐上高岡
墳前呼犬歸不知頭似霜

邊遊錄戍卒言

二十屬盧龍三十防沙漠平生愛功業不覺從軍惡
今來客鬢改知學彎弓錯赤肉痛金瘡他人成衛霍日斷
望君門君門苦寥廓

古征戰

高峰凌青冥深穴萬丈坑皇天自山谷焉得人心平
齊魯足兵甲燕趙多娉婷仍聞麗水中日日黃金生苟非
夷齊心豈得無戰爭

山村叟

古鑿巖居人一廬稱有產雖霑巾履形不及貴門犬驅
牛耕白石課女經黃蘗歲暮霜霰濃畫樓人飽煖

戍客南歸

北別黃榆塞南歸白雲鄉孤舟下彭蠡楚月沈滄浪為
子惜功業滿身刀箭瘡莫渡汨羅水回君忠孝腸

經館娃宮

館娃宮畔顧國變生嬌妒句踐膽未嘗夫差心已誤吳

亡甘已矣

一作昔
誰在

越勝今何處當時二國君一種江邊

墓

村居晏起

村舍少聞事日高猶閉關
起來花滿地戴勝鳴桑間
居安即永業何者為故山
朱門與蓬戶六十頭盡斑

感懷

採薇易為山何必登首陽
濯纓易為水何必泛滄浪
貴崇已難慕諂笑何所長
東堂桂欲空猶有收螢光

金谷感懷

一作懷古

黃金驕石崇與晉爭國力更欲住人間一日買不得行
為忠信主身是文章宅四者俱不聞空傳墮樓客

恨從軍

不嫁白衫兒愛君新紫衣早知遽相別何用假光輝已
聞都萬騎又道出重圍一軸金裝字致君終不歸

燒金曲

天壽畏不永燒金希長年積土培枯根自謂松柏堅南

陌試腰褭西樓歌嬋娟豈知蔓草中日日開夜泉

子從軍

男作鄉中丁女作鄉男婦南村與北里日日見父母豈似從軍兒一去便白首何當鑄劍戟盡得丁男力

越溪女

會稽山上雲化作越溪人枉破吳王國徒為西子身江邊浣紗伴黃金扼雙腕倏忽不相期思傾趙飛燕妾家基業薄空有如花面嫁盡綠窗人獨自盤金線

巫山高

何山無朝雲彼雲亦悠揚何山無暮雨彼雨亦蒼茫宋
玉恃才者憑虛構高唐自垂文賦名荒淫歸楚襄戕戕
十二峰永作妖鬼鄉

織素謠

貧女苦筋力繰絲夜夜織萬梭為一素世重韓娥色五
侯初買笑建章方落籍一曲古涼州六親長血食勸爾
畫長眉學歌飽親戚

擬古諷

洛陽大道傍甲第何深遠南畝無一廛東園有餘地春
溪化桃李秋沼生荷芰草木本無情此時如有為旱苗
當壟死流水資嘉致余心甘至愚不會皇天意

贈太行開路者

手斲太行山心齊太行巔斲盡太行險君心更摩天何
如回苦辛自鑿東臯田

戍卒傷春

連年戍邊塞過却芳菲節東風氣力盡不減陰山雪蕭
條柳一株南枝葉微發為帶故鄉情依依藉攀折晚風
吹磧沙夜淚啼鄉月凌煙閣上人未必皆忠烈

富農詩

濱寓居堯山南六十里里有富農得氏琅琊人指
其貌此多藏者也積粟萬庾馬牛無算血屬星居
於里土生不遺死不贈環顧妻孥意與天地等故
作是詩用廣知者

長聞鄉人語此家勝良賈骨肉化飢魂倉中有飽鼠青
春滿桑柘旦夕鳴機杼秋風一夜來累累聞砧杵西鄰
有原憲蓬蒿遶環堵自樂固窮心天意在何處當門見
堆一作稚子已作桑田主安得四海中盡為虞芮土

早發

綠野含曙光東北雲如茜栖鴉林際起落月水中見此
身何自苦日日凌霜霰流蘇帳裏人猶在陽臺畔

季夏逢朝客

澹水桃李熟杜曲芙蓉老九天休沐歸腰玉垂楊道避
路迴綺羅迎風嘶騷裛豈知山谷中日日吹瑤草

隴頭水

一作吟

行人何徬徨隴頭水鳴咽寒沙戰鬼愁白骨風霜切薄
日朦朧秋怨氣陰雲結殺成邊將名名著生靈滅

古別離

入室少情意出門多路岐黃鶴有歸日蕩子無還時人
誰無分命妾身何太奇君為東南風妾作西北枝青樓

鄰里婦終年畫長眉自倚對良匹笑妾空羅幃
郎本東家兒妾本西家女對門中道間終謂無離阻豈
知中道間遣作空閨主自是愛封侯非關備胡虜知子
去從軍何處無良人

擬古意

白玉若無玷花顏須及時國色久在室良媒亦生疑鴉
鬟未成髻鸞鏡徒相知翻慙效顰者却笑從人遲

隴頭吟

一作水

借問隴頭水終年恨何事深疑嗚咽聲中有征人淚自

古蘊長策況我非才智無計謝潺湲一宵空不寐

後四句一

作昨日上山下達曙不能寐
何處接長波東流入清渭

思歸引

不耕南畝田為

一作誤

愛東堂桂身同樹上花一落又經

歲交親日相薄知己恩潛替日開十二門自是無歸計

秦富人

高高起華堂遠遠引流水糞土視金珍猶嫌未奢侈陋

巷滿蓬蒿誰憐有顏子

對花

一作武瓘詩
題云感事

花開蝶滿枝花落蝶還稀惟有舊巢燕主人貧亦歸

宮怨

妾家望江口少年家財厚臨江起珠樓不賣文君酒當年樂貞獨巢燕時為友父兄未許人畏妾事姑舅西牆鄰宋玉窺見妾睂宇一旦及天聰恩光生戶牖謂言入漢宮富貴可長久君王縱有情不奈陳皇后誰憐頰似

桃孰知腰勝柳今日在長門從來不如醜

御定全唐詩卷五百九十九

欽定四庫全書薈要卷一萬八千五

集部

御定全唐詩卷六百

牛徵

牛徵叢之子僧孺之孫登咸通二年進士第詩一首

登越王樓即事

危樓送遠目信美奈鄉情轉岸孤舟疾銜山落照明蕭
條看草色惆悵認江聲誰會登臨恨從軍白髮生

伊璠

伊璠咸通四年登進士第為涇陽令詩一首

及第後寄梁燭處士

繡轂尋芳許史家獨將羈事達江沙十年辛苦一枝桂
二月豔陽千樹花鵬化四溟歸碧落鶴棲三島接青霞
同袍不得同遊翫今對春風日又斜

蕭邁

蕭邁徐國公嵩之四代孫咸通五年登進士第僖宗幸
蜀拜相後為偽愍所污賜死詩三首

春詩

南國韶光早春風送臘來水堤煙報柳山寺雪驚梅練
色鋪江晚潮聲逐渚迴青旗問沽酒何處撥寒醅

和王侍中謁張惡子廟

青骨祀吳誰讓德紫華居越亦知名未聞一劍傳唐主
長擁千山護蜀城斬馬威稜應掃蕩截蛟鋒刃俟昇平
鄼侯為國親簫鼓堂上神籌更布兵

成都

月曉已開花市合江平偏見竹籬多
好教載取芳菲樹
剩照岷天瑟瑟波

句

吾家九葉相盡繼明時出

與子三兒生日
因學紀聞

韋承貽

韋承貽字貽之咸通八年登第詩二首

策試夜潛紀長句於都堂西南隅

褒衣博帶滿塵埃獨自都堂納卷回蓬巷幾時聞吉語

棘籬何日免重來三條燭盡鐘初動九轉丹成鼎未開
殘月漸低人擾擾不知誰是謫仙才

白蓮千朶照廊明一片昇平雅頌聲才唱第三條燭盡

南宮風月畫難成

此首一作
薛能詩

鄭洪業

鄭洪業咸通八年第一人擢第詩一首

詔放雲南子弟還國

德被陪臣子仁垂聖主恩雕題辭鳳闕丹服出金門有

澤沾殊俗無征及獷獫銅梁分漢土玉壘駕鸞軒瘴嶺
蠶叢盛巴江越舊垠萬方同感化豈獨自南蕃

孫緯

孫緯咸通八年宏詞登科詩一首

中秋夜思鄭延美有作

中秋中夜月世說惛妖精顧兔雲初蔽長蛇誰與勅未
追良友翫安用玉輪盈此意人誰喻裁詩穿禁城

歐陽玘

歐陽玘衮之子咸通十年擢進士第官書記詩五首

清曉捲簾

清曉意未愜捲簾時一吟檻虛花氣密地暖竹聲深秀
色還朝暮浮雲自古今石泉驚已躍會可洗幽心

巴陵

孤城向夕原春入景初暄綠樹低官舍青山在縣門樓
臺疑結蜃枕席更聞猿客路何曾定棲遲欲斷魂

榆溪道上

初日在斜溪山雲片片低鄉愁夢裏失馬色望中迷澗
底淒泉氣巖前遍綠萸非關秦塞去無事候晨雞

新嶺臨眺寄連總進士

關勢遙臨海峰巒半入雲煙中獨鳥下潭上雜花熏寄
遠悲春草登臨憶使君此時還極目離思更紛紛

幽軒

幽軒斜映山空澗復潺潺重疊巖巒趣遙來窗戶間桃
花飄岫幌燕子語松關衣桁侵池翠階痕露蘚斑臨風

清瑟奏對客白雲閒眷戀青春色含毫俯碧灣

張演

張演咸通十三年及第詩一首

社日村居

一作王
駕詩

鵝湖山下稻梁肥狔穽雞棲

一作
峙

對

一作
半

掩扉桑柘影

斜春社散家家扶得醉人歸

裴澈

裴澈登咸通進士第僖宗朝拜相以擁立偽煚誅詩一

首

弔孟昌圖

一章何罪死何名
投水惟君與屈平
從此蜀江煙月夜
杜鵑應作兩般聲

翁綬

翁綬登咸通進士第詩八首

婕妤怨

讒謗潛來起百憂
朝承恩寵暮仇讎
火燒白玉非因玷

霜翦紅蘭不待秋
花落昭陽誰共輦
月明長信獨登樓
繁華事逐東流水
團扇悲歌萬古愁

隴頭吟

隴水潺湲隴樹黃
征人隴上盡思鄉
馬嘶斜月朔風急
雁過寒雲邊思長
殘月出林明劒戟
平沙隔水見牛羊
橫行俱是封侯者
誰斬樓蘭獻未央

關山月

裴回漢月滿邊州
照盡天涯到隴頭
影轉銀河寰海靜

光分玉塞古今愁
笳吹遠戍孤烽滅
雁下平沙萬里秋
況是故園搖落夜
那堪少婦獨登樓

雨雪曲

邊聲四合殷河流
雨雪飛來遍隴頭
鐵嶺探人迷鳥道
陰山飛將濕貂裘
斜飄旌旆過戎帳
半雜風沙入戍樓
一自塞垣無李蔡
何人為解北門憂

行路難

行路艱難不復歌
故人榮達我蹉跎
雙輪晚上銅臺雪

一葉春浮瘴海波自古要津皆若此方今失路欲如何
君看西漢翟丞相鳳沼朝辭暮雀羅

折楊柳

紫陌金隄映綺羅游人處處動離歌陰移古戍迷芳

一作

荒草花帶殘陽落遠波臺上少年吹白雪樓中思婦歛
青蛾殷勤攀折贈行客此去關山雨雪多

詠酒

逃暑迎春復送秋無非綠蟻滿杯浮百年莫惜千回醉

一酸能消萬古愁幾為芳菲眠細草曾因雨雪上高樓
平生名利關身者不識狂歌到白頭

白馬

渥洼龍種雪霜同毛骨天生膽氣雄金埒乍調光照地
玉關初別遠嘶風花明錦襜垂楊下露濕朱纓細草中
一夜羽書催轉戰紫髯騎出佩驂弓

句

海國歐鄉浙水東暫煩良守比憑熊

見事文類聚

潘緯

潘緯湘南人登咸通進士第詩二首

中秋月

古今逢此夜共冀沈寥明
豈是月華別祇應秋氣清
影當中土正輪對八荒平
尋客徒留望璿璣自有程

琴

客來鳴素琴惆悵對遺音
一曲起於古幾人聽到今
盡

含

一作
畫寒

風靄遠自

一作
日

泛月煙深風

一作
風

續水山操坐

生方外心

句

篆經千古澀影瀉一堂寒

古鏡見
吟窗雜錄

武瓘

武瓘貴池人登咸通進士第為益陽令詩三首

九日衛使君筵上作

佳晨登賞喜還鄉謝宇開筵晚興長滿眼黃花初泛酒
隔煙紅樹欲迎霜千家門戶笙歌發十里江山白鳥翔

共賀安人豐樂歲幸陪珠履侍銀章

勸酒

勸君金屈卮滿酌不須辭花發多風雨人生足別離

感事

一作于漬詩
題云對花

花開蝶滿枝花謝蝶還稀惟有舊巢燕主人貧亦歸

袁皓

袁皓宜春人登咸通進士第僖宗狩蜀擢倉部員外郎
龍紀中為集賢殿圖書使自稱碧池處士碧池書三十

卷今存詩四首

重歸宜春偶成十六韻寄朝中知己

水香甘似醴知是入袁溪黃竹成叢密青蘿夾岸低
煖流瀾瀾戲深樹鷓鴣啼黃犬驚迎客青牛困卧泥
有村皆績紡無地不耕犁鄉曲多耆舊逢迎盡杖藜
殷勤傾白酒相勸有黃雞歸老官知忝還鄉路不迷
直言干忌諱權路恥依棲拙學趨時態閒思與牧
齊稻糧饒燕雀江海溢鳬鷺昔共逢離亂今來息
鼓鞞恩仁霑品物教

化及雕題上貢貞元祿曾叨寵記批何須歸紫禁便是
到丹梯珍重長安道從今息馬嘶

及第後作

金榜高懸姓字真分明折得一枝春蓬瀛乍接神仙侶
江海迴思耕釣人九萬搏扶排羽翼十年辛苦涉風塵
昇平時節逢公道不覺龍門是嶮津

重歸宜春經過萍川題梵林寺

梵林遺址在松蘿四十年來兩度過瀘水東奔彭蠡浪

萍川西注洞庭波村煙不改居人換官路無窮行客多
拖紫腰金成底事凭闌惆悵欲如何

寄岳陽嚴使君

得意東歸過岳陽桂枝香惹蘂珠香也知暮雨生巫峽
爭奈朝雲屬楚王萬恨只憑期尅手寸心唯繫別離腸
南亭宴罷笙歌散回首煙波路渺茫

公乘億

公乘億字壽仙魏人咸通末登進士第為魏博節度使

樂彥禎從事加授侍郎詩一卷今存四首

賦得郎官上應列宿

北極佇文昌南宮曉拜郎
紫泥乘帝澤銀印佩天光
締結三台側鉤連四輔傍
佐商依傳說仕漢笑馮唐
委佩搖秋色峨冠帶晚霜
自然符列象千古耀巖廊

春風扇微和

麗日催遲景和風扇早春
暖浮丹鳳闕韶媚黑龍津
澹蕩迎仙仗霏微送畫輪
綠搖宮柳散紅待禁花新
舞席

潛迴雪歌筵暗起塵幸當陽候律一顧及佳晨

賦得秋菊有佳色

陶令籬邊菊秋來色轉佳翠攢千片葉金剪一枝花
藥逐蜂鬚亂英隨蝶翅斜帶香飄綠綺和酒上烏紗
散漫搖霜彩嬌妍漏日華芳菲彭澤見更稱在誰家

賦得臨江遲來客

江上晚沈沈煙波一望深向來殊未至何處擬相尋
柳結重重眼萍翻寸寸心暮山期共眺寒渚待同臨
北去

魚無信南飛雁絕音思君不可見使我獨愁吟

句

十上十年皆落第一家一半已成塵

見撫言

王季文

王季文字宗素池陽人少居九華遇異人授九仙飛化之術咸通中登進士第授祕書郎尋謝病歸九華日一浴於山之龍潭寒暑不渝竟仙去詩二首

九華山謠

九華崢嶸占南陸蓮花擢本山半腹翠屏橫截萬里天
瀑水落深千丈玉雲梯石磴入杳冥俯看四極如中庭
丹崖壓下廬霍勢白日隱出牛斗星杉松一歲抽數尺
瓊草夤緣秀層壁南風拂曉煙霧開滿山蔥蒨鋪鮮碧
雷霆往往從地發龍卧豹藏安可別峻極遙看夏昊蒼
挺生豈得無才傑神仙憚險莫敢登馭風駕鶴循丘陵
陽鳥不見峰頂樹大火尚結晶中冰靈光爽氣曛復旭
晴天倒影西江淥具區彭蠡夾兩傍正可別作一獄當

少陽

青出藍

芳藍滋疋帛人力半天經浸潤加新氣光輝勝本青還
同冰出水不共草為螢翻覆依襟上偏知造化靈

盧駢

盧駢咸通進士官員外詩一首

題青龍精舍

壽夭雖云命榮枯亦大偏不知雷氏劒何處更衝天

王鏐

王鏐登咸通進士第累官汝州刺史乾符中貶韶州司馬終太子賓客詩一首

感事

擊石易得火扣人難動心今日朱門者曾恨朱門深

李拯

李拯字昌時隴西人咸通中登第僖宗朝累官考功郎知制誥偽愍僭號逼為翰林學士愍敗為亂兵所殺詩

一首

退朝望終南山

紫宸朝罷綴鴛鸞
丹鳳樓前駐馬看
惟有終南山色在
清明依舊滿長安

顧封人

顧封人咸通中進士詩一首

月中桂樹

芬馥天邊桂扶疎
在月中能齊大椿長
不與小山同皎皎

皎舒華色亭亭麗碧空
虧盈寧委露搖落不關風
歲晚花應發春餘質詎豐
無因遂攀賞徒欲望青葱

司馬都

司馬都咸通進士詩二首

和陸魯望白菊

恥共金英一例開
素芳須待早霜催
繞籬看見成瑤圃
泛酒須迷傍玉杯
映水好將蘋作伴
犯寒疑與雪為媒
夫君每尚風流事
應為徐妃致此栽

送羊振文先輩往桂陽歸覲

此去歡榮冠士林
離筵休恨酒杯深
雲梯萬仞初高步
月桂餘香尚滿襟
鳴櫂曉衝蒼靄發
落帆寒動白華吟
君家祖德惟清苦
却笑當時問絹心

御定全唐詩卷六百

欽定四庫全書薈要卷一萬八千六

集部

御定全唐詩卷六百一

李昌符

李昌符字巖夢咸通四年登進士第歷尚書郎膳部員外郎詩一卷

書邊事

一作邊行書事
一作塞上行

朔野煙塵起天軍又舉戈陰風向晚急殺氣入秋多

一作

莽蒼蘆關北孤城帳幕多樹盡禽栖草冰堅路在河汾
容軍甘入陣老將望迴戈

陽無繼者

一作尋下世

羌虜肯先和

遠歸別墅

一作秋晚歸故居

馬省曾行處連嘶渡晚河忽驚鄉樹出漸識路人多細
徑穿禾黍頽垣壓薜蘿乍歸猶似客鄰叟亦相過

題友人屋

松底詩人宅閒門遠岫孤數家分小徑一水截平蕪竹
節偶相對鳥名多自呼愛君真靜者欲去又踟躕

贈同遊

此來風雨後已覺減年華若待皆無事應難更有花
管弦臨夜急榆柳向江斜且莫看歸路同須醉酒家

送人出塞

北風吹雨雪舉目已悽悽戰鬼秋頻哭征鴻夜不栖
沙平關路直磧廣郡樓低此去非東魯人多事鼓鼙

尋僧元皎因贈

此生迷有著因病得尋師話盡山中事歸當月上時
高松連寺影亞竹入窗枝閒憶草堂路相逢非素期

下第後蒙侍郎示意指於新先輩宣恩感謝

才薄命如此自嗟兼自疑
遭逢好文日黜落至公時
倚玉甘無路穿楊却未期
更慙君侍坐問許可言詩

夜泊渭津

漂漂東去客一宿渭城邊
遠處星垂岸中流月滿船
涼歸夜深簟秋入雨餘天
漸覺家山小殘程尚幾年

晚夏逢友人

一別同袍友相思已十年
長安多在客久病忽聞蟬
驟

雨纔沾地陰雲不徧天微涼堪話舊移榻晚風前

秋中夜坐

空庭吟坐久爽氣入荷衣病葉先秋落驚禽背月飛
瘴雲晴未散戍客老將依為應金門策多應說戰機

旅遊傷春

酒醒鄉關遠迢迢聽漏終曙分林影外春盡雨聲中
鳥思一作倦江村路花殘野岸風十年成底事羸馬倦西東

得遠書

故人居謫宦今日一書來良久驚兼喜殷勤卷

一作讀更

開瘴雲沉去鴈江雨促新梅滿紙殊鄉淚非

一作沉

冤不

可哀

贈同席

四座列吾友滿園花照衣一生知幾度後到擬先歸急
管侵諸樂嚴城送落暉當歡莫離席離席却歡稀

贈供奉僧玄觀

自得曹溪法諸經更不看已降禪侶久兼作帝師難夜

木侵簷黑秋燈照雨寒如何嫌有著一念在林巒

送琴客

楚客抱離思蜀琴留恨聲坐來新

一作看

月上

一作落

聽久

覺秋生夜靜騷人語天高別鶴鳴因君興一歎竟夕意

一作亦難平

別謫者

此地聞猶惡人言是所之一家書絕久孤驛夢成遲八月三湘道聞猿冒雨時不須祠楚相臣節轉堪疑

行思

千里豈云去欲歸如路窮人間無暇日馬上又秋風破
月銜高岳流星拂曉空此時皆在夢行色獨怱怱

感懷題從舅宅

邴家庭樹下幾度醉春風今日花還發當時事不同流
言應未息直道竟難通徒遣相思者悲歌向暮空

與友人會

蟬吟槐蘂落的的是愁端病覺離家遠貧知處事難真

交無所隱深語有餘歡未必聞歌吹羈心得暫寬

贈春遊侶

第七句
缺一字

密林多暗香輕吹送餘芳啼鳥愁春盡遊人喜日長浮
雲橫暮色新雨洗韶光欲散垂恨應須入醉鄉

送人遊邊

愁指蕭關外風沙入遠程馬行初有跡雨落竟無聲地
理全歸漢天威不在兵西京逢故老暗喜復時平

寄棲白上人

剪髮兼成隱將心更屬文無憀對豪客不拜謁吾君
畫壁惟泉石經窗半典墳歸林幽鳥狎乞食病僧分
默坐終清夜凝思念碧雲相逢應未卜余正走囂氛

送人入新羅使

雞林君欲去立冊付星軺越海程難計征帆影自飄
望鄉當落日懷闕羨迴潮宿霧蒙青嶂驚波蕩碧霄
春生陽氣早天接祖州遙愁約三年外相迎上石橋

詠鐵馬鞭

并引

鐵馬鞭長慶二年義成軍節度使曹華進獻且曰
得之汴水有字刻云貞觀四年尉遲敬德字尚在
漢將臨流得鐵鞭鄂侯名字舊雕鏤須為聖代無雙物
肯逐將軍卧九泉汗馬不侵誅虜血神功今見補亡篇
時來終薦明君用莫歎沉埋二百年

送友人

舉世誰能與事期解攜多是正歡時人間不遣有名利
陌上始應無別離晚渡待船愁立久亂山投店獨行遲

我今漂泊還如此江劍相逢亦未知

南潭

匝岸青蕪掩古苔面山亭樹枕潭開有時弦管收筵促
無數鳬鷺逆浪來路入龍祠羣木老風驚漁艇一聲迴
人傳郭惲多遊此誰見當初泛玉杯

秋夜作

數畝池塘近杜陵秋天寂寞夜雲凝芙蓉葉上三更雨
蟋蟀聲中一點燈跡避險巇翻失路心歸閒澹不因僧

既逢上國陳詩日長守林泉亦未能

客恨

古原南北舊蕭疎高木風多小雪餘
半夜病吟人寢後百年閒事酒醒初
頻招兄弟同佳節已有兵戈隔遠書
肥馬王孫定相笑不知岐路厭樵漁

三月盡日

江頭從此管弦稀散盡遊人獨未歸
落日已將春色去殘花應逐夜風飛

綠珠詠

洛陽佳麗與芳華
金谷園中見百花
誰遣當年墜樓死
無人巧笑破孫家

贈別

又將書劒出孤舟
盡日停橈結遠愁
莫道一作到江波一作
頭話離別江波一去不迴流

悶書

病來難處早秋天
一徑無人樹有蟬
歸計未成書半卷

中宵多夢晝多眠

傷春

即是春風盡
仍霑夜雨歸
明朝更來此
兼恐落花稀

登臨洮望蕭關

漸覺風沙暗
蕭關欲到時
兒童能採火
婦女解縫旗
川少銜魚鷺
林多帶箭麋
暫來戎馬地
不敢苦吟詩

御定全唐詩卷六百一

欽定四庫全書薈要卷一萬八千七

集部

御定全唐詩卷六百二

汪遵

一作王道

汪遵宣城人幼為縣吏後辭役就貢咸通七年登進士第詩一卷

彭澤

鶴愛孤松雲愛山宦情微祿免相關栽成五柳吟歸去
漉酒巾邊伴菊閒

杜郵館

殺盡降兵熱血流一心猶自逞戈矛
功成若解求身退
豈得將軍死杜郵

細腰宮

鼓聲連日燭連宵貪向春風舞細腰
爭奈君王正沈醉
秦兵江上促征橈

瑤臺

仙夢香魂不久留滿川雲雨滿宮愁
直須待得荆王死

始向瑤臺一處遊

吳坂

蹉跎鹽車萬里蹄
忽逢良鑒始能嘶
不緣伯樂稱奇骨
幾與駑駘價一齊

箕山

薄世臨流洗耳塵
便歸雲洞任天真
一瓢風入猶嫌鬧
何況人間萬種人

息國

家國興亡身獨存
玉容還受楚王恩
銜冤只合甘先死
何待花間不肯言

梁寺

立國從來為戰功
一朝何事却談空
臺城兵匪無人敵
閒卧高僧滿梵宮

南陽

陸困泥蟠未適從
豈妨耕稼隱高蹤
若非先主垂三顧
誰識茅廬一卧龍

杞梁墓

一叫長城萬仞摧
杞梁遺骨逐妻回
南鄰北里皆孀婦
誰解堅心繼此來

夷門

晉鄙兵回為重難
秦師收旆亦西還
今來不是無朱亥
誰降軒車問抱關

汴河

隋皇意欲泛龍舟
千里崑崙水別流
還待春風錦颿暖

柳陰相送到迷樓

燕臺

禮士招賢萬古名
高臺依舊對燕城
如今寂寞無人上
春去秋來草自生

聊城

刃血攻聊已越年
竟憑儒術罷戈鋌
田單漫逞燒牛計
一箭終輸魯仲連

西河

花貌年年溺水濱俗傳河伯娶生人自從明宰投巫後
直至如今鬼不神

密縣

百里能將濟猛寬飛蝗不到邑人安至今閭里逢災沴
猶祝當時卓長官

昇仙橋

題橋貴欲露先誠此日人皆笑率情應訝臨邛沽酒客
逢時還作漢公卿

破陳

獵獵朱旗映綵霞紛紛白刃入陳家
看看打破東平苑猶舞庭前玉樹花

白頭吟

失却青絲素髮生合歡羅帶意全輕
古今人事皆如此不獨文君與馬卿

短歌吟

箭飛烏兔競東西貴賤賢愚不夢齊
匣裏有琴樽有酒

人間便是武陵溪

晉河

風引征帆管吹高
晉君張晏侯雄豪
舟人笑指千餘客
誰是煙霄六翮毛

干將墓

橐籥冰霜萬古聞
拍灰松地見餘墳
應緣神劍飛揚久
水水山山盡是雲

金谷

晉臣榮盛更誰過
常向堦前舞翠娥
香散豔消如一夢
但留風月伴煙蘿

三閭廟

為嫌朝野盡陶陶
不覺官高怨亦高
憔悴莫酬漁父笑

浪交

一作教

千載詠離騷

易水

匕首空磨事不成
誤留龍袂待琴聲
斯須却作秦中鬼
青史徒標烈士名

嚴陵臺

一釣淒涼在杳冥故人飛詔入山扃
終將寵辱輕軒冕
高卧五雲為客星

淮陰

秦季賢愚混不分只應漂母識王孫
歸榮便累千金贈
為報當時一飯恩

雞鳴曲

金距花冠傍舍棲清晨相叫一聲齊
開關自有馮生計

不必天明待汝啼

採桑婦

為報躊躇陌上郎
蠶飢日晚妾心忙
本來若愛黃金好
不肯攜籠更採桑

漁父

棹月眠流處處通
綠蓑葦帶混元風
靈均說盡孤高事
全與逍遙意不同

越女

玉貌何曾為浣沙只圖句踐獻夫差蘇臺日夜唯歌舞
不覺干戈犯翠華

望思臺

不憂家國任姦臣骨肉翻為驀路人
巫蠱事行冤莫雪九層徒築見無因

比干墓

國亂時危道不行忠賢諫死勝謀生
一沈冤骨千年後壠水雖平恨未平

郢中

莫言白雪少人聽
高調都難稱俗情
不是楚詞詢宋玉
巴歌猶掩繞梁聲

北海

漢臣曾此作縲囚
茹血衣毛十九秋
鶴髮半垂龍節在
不聞青史說封侯

招屈亭

三閭溺處殺懷王
感得荆人盡縞裳
招屈亭邊兩重恨

遠天秋色暮蒼蒼

屈祠

不肯迂回入醉鄉
乍吞忠梗沒滄浪
至今祠畔猿啼月
了了猶疑恨楚王

銅雀臺

銅雀臺成玉座空
短歌長袖盡悲風
不知仙駕歸何處
徒遣顰眉望漢宮

斑竹祠

九處煙霞九處昏一回延首一銷魂因憑直節流紅淚
圖得千秋見血痕

題李太尉平泉莊

水一作平泉花木好高眠嵩少縱橫滿目前惆悵人間不

平事今朝身在海南邊

戰城南

風沙刮地塞雲愁平旦交鋒晚未休白骨又霑新戰血
青天猶列舊旄頭

延平津

三尺晶熒射斗牛
豈隨凡手報冤讐
延平一旦為龍處
看取風雲布九州

項亭

不修仁德合文明
天道如何擬力爭
隔岸故鄉歸不得
十年空負拔山名

烏江

兵散弓殘挫虎威
單槍匹馬突重圍
英雄去盡羞容在

看却江東不得歸

綠珠

大抵花顏最怕秋
南家歌歇北家愁
從來幾許如君貌
不肯如君墜玉樓

升仙橋

漢朝卿相盡風雲
司馬題橋衆又聞
何事不如楊得意
解搜賢哲薦明君

隋柳

夾浪分堤萬樹餘為迎龍舸到江都
君看靖節高眠處只向衡門種五株

楊柳

亞夫營畔柳濛濛隋主堤邊四路通
攀折贈君還有意翠睂輕嫩怕春風

桐江

光武重興四海寧漢臣無不受浮榮
嚴陵何事輕軒冕獨向桐江釣月明

招隱

罷聽泉聲看鹿羣
丈夫才策合匡君
早攜書劍離巖谷
莫待蒲輪輟白雲

陳宮

椒宮荒宴竟無疑
倏忽山河盡入隋
留得後庭亡國曲
至今猶與酒家吹

樊將軍廟

玉輦曾經陷楚營
漢皇心怯擬休兵
當時不得將軍力

日月須分一半明

東海

漾舟雪浪映花顏
徐福攜將竟不還
同作危時避秦客
此行何似武陵灘

昭君

漢家天子鎮寰瀛
塞北羌胡未罷兵
猛將謀臣徒自貴
蛾眉一笑塞塵清

五湖

已立平吳霸越功
片帆高颺五湖風
不知戰國官榮一作

縱橫者誰似陶朱得始終

澠池

西秦北趙各稱高
池上張筵列我曹
何事君王親擊缶
相如有劍可吹毛

函谷關

脫禍東奔壯氣摧
馬如飛電轂如雷
當時若不聽彈鋏
那得關門半夜開

詠酒二首

九醞松醪一曲歌
本圖閒放養天和
後人不識前賢意
破國亡家事甚多

萬事銷沈向一杯
竹門啞軋為風開
秋宵睡足芭蕉雨
又是江湖入夢來

蒼頡臺

觀跡成文代結繩
皇風儒教浩然興
幾人從此休耕釣
吟對長安雪夜燈

長城

秦築長城比鐵牢
蕃戎不敢過臨洮
雖然萬里連雲際
爭及堯階三尺高

御定全唐詩卷六百二

謹案卷六百一第六頁後三行面山亭樹枕潭開

按樹疑榭字之訛

欽定四庫全書

總校官庶吉士臣張能照

校對官庶吉士臣何思鈞

謄錄監生臣許祖懷

欽定四庫全書薈要

集部

御定全唐詩卷六百

三七

詳校官原任主事

臣李斯咏

欽定四庫全書薈要卷一萬八千八

集部

御定全唐詩卷六十三

許崇

許崇字文化宣州涇縣人咸通十二年登進士第授涇縣尉又嘗為江寧丞集一卷今編詩二卷

過洞庭湖

驚波常不定半日鬢堪斑四顧疑無地中流忽有山鳥

高

一作飛

恒

一作應

畏墜

一作墮

帆遠却如閒漁父閒

一作時

相

引時

一作行

歌浩渺間

登渭南縣樓

近甸名偏著登城

一作樓

景又寬半空分太華極目是長

安雪助河流漲

一作廣一作急

人耕燒色殘間來時甚少欲下

重憑欄

送李頻之南陵主簿

赴縣是還鄉途程豈覺長聽鶯離灞岸盪漿入陵陽野

蕨生公署閒雲拂印床

一作章

晴天調膳外垂釣有池塘

寫懷

汨沒與辛勤全鍾在此身半生為下客終老託何人兩
鬢關中改千巖海上春青雲知有路

一作非有礙

自是致無

因

過中條山

徒為經異岳不得訪靈蹤日盡行難盡千重復萬重雲
垂多作雨雷動半和鐘孤竹人藏處無因認本峰

早發洛中

半夜發清洛不知過石橋雲增中岳大樹隱上陽遙
黑初沉月河明欲認潮孤村人尚夢無處暫停橈

汝州郡樓望嵩山

不共衆山同岧嶢出迴空幾層高鳥外萬仞一樓中
水落難歸地雲離便逐風唯應霄漢客絕頂路方通

將歸江南留別友人

連春不得意所業已疑非舊國亂離後新年惆悵歸
雪開還楚地一作路花惹別秦衣江徼多留滯高秋會恐違

塞外書事

征路出窮邊孤吟傍戍煙
河光深蕩塞磧色迴連天
殘日沉鵑外驚蓬到馬前
空懷釣魚所未定卜歸年

日暮江上

孤帆收竇岸落照在遙峰
南北渡人少高低歸鳥重
潮回沙出樹雨過浦沉鐘
漁父雖相問那能話所從

客行

旅食

一作日日

唯草草此生誰我同
故園魂夢外長路別離

中人事萍隨水年光鳥過空欲吟先落淚多是怨途窮

送李員外知楊子州留務

一作後

帝命分留務東南向楚天幾程迴送騎中路見迎船冶
例開山鑄民多酌海煎青雲名素重此去豈經年

春暮途次華山下

他皆宴牡丹獨又出長安遠道行非易無圖住自難離
城風已暖近岳雨翻寒此去知誰顧閒吟祇自寬

旅次滑臺投獻陸侍御

已是鴻來日堪驚却背秦天遥三楚樹路遠兩河人旅
夢難歸隱吟魂不在身霜臺歌冠豸一作秀次賴許往來頻

重歸江南

無成歸故里不似在他鄉歲月逐流水山川空夕陽回

潮迷古渡迸竹過鄰牆

一作岸移迷釣石竹廣認鄰牆

耆舊休

一作稀

存

省

一作者

胡為止淚行

寄黔南李校書

從戎巫峽外吟興更應多郡響蠻江漲山昏蜀雨過公

筵饒越味俗土尚巴歌中夜懷吳夢知經一作驚濫潁波

東歸留辭沈侍郎

一第久乖期深心一作終身已自疑滄江歸恨遠紫閣別愁

遲稽古成何事龍鐘負已知依門非近日不慮舊恩移

題開明里友人居

城中塵一作園外住入望是田家井出深山一作泉水闌藏

異國花風巢和鳥動雪竹向人斜來往唯君熟鄉園共

海涯

遣懷

此生何處遂屑屑復悠悠舊國歸無計他鄉夢亦愁飛
塵長滿眼衰髮暗添頭章句非經濟終難動五侯

送龍州樊使君

曾見邛人說龍州地未深碧溪飛白鳥紅旆映青林土
產唯宜藥王租只貢金政成開一作宴日誰伴使君吟

寄盤屋薛能少府

滿縣唯雲水何曾似近畿曉庭猿

一作禽

集慣寒署吏衙

稀冰色封深澗樵聲出

一作在

紫

一作翠

微時聞迎隱者依

舊著山衣

送李左丞巡邊

狂戎侵內地左轄去蕭關走馬衝邊雪鳴鞞動塞山風

收枯草定月滿

一作日開

廣沙間西繞河蘭匝應多隔歲還

題青山館

即謝公舊居

境槩殊諸處依然是謝家遺文齊日月舊井照煙霞水
隔平蕪遠山橫度鳥斜無人能此隱來往謾興嗟

鴈門關野望

高關閒獨望望久轉愁人
紫塞唯多雪胡山不盡春
河遙分斷野樹亂起飛塵
時見東來騎心知近別秦

五原書事

西出黃雲外東懷白浪遙
星河愁立夜雷電獨行朝
磧迴人防寇天空鴈避鵬
如何非戰卒弓劍不離腰

送從弟歸泉州

問省歸南服懸帆任北風
何山猶見雪半路已無鴻
瘴

雜春雲重星垂夜海空往來如不住亦是一年中

留別故人

殊

一作孤

立本不偶非唯今所難無門

一作聞

閒共老盡日

泣相看鳥畏聞鴟鵂花慚

一作愁

背牡丹何人知此計復

議出長安

塞下二首

胡虜偏狂悍邊兵不敢閒防秋朝伏弩縱火夜搜山鴈
逆風輦振沙飛獵騎還安西雖有路難更出陽關

征役已不定又緣無定河塞深烽砦密山亂犬羊多漢
卒聞笳泣胡兒擊劒歌番情終未測今昔謾言和

題張喬昇平里居

下馬似無人開門只一身心同孤鶴靜行過老僧真亂
水藏幽徑高原隔遠津匡廬曾共隱相見自相親

題鄭拾遺南齋

明時無事諫豈是隱明君每值離丹陛多陪宴白雲門

連蕭洞僻地

一作路

與曲江分滿院皆檉竹

一作柏

期棲鸞

鶴羣

渭上送人南歸

遠役與歸愁同來渭水頭
南浮應到海北去阻無州楚
雨天連地胡風夏甚秋
江人如見問為話復貧遊

寄睦州陸

一作侯

郎中

一作寄睦州

下國多高趣終年半是吟海濤

一作汐潮

通越分部伍雜閩

一作蠻

音曉郭雲藏市春山鳥護林東浮

一作遊

雖未遂日

日至中心

投徐端公

無謀尋舊友強喜亦如愁
丹桂阻丹墀白衣成白頭
窮吳迷釣業大漠事貧遊
霄漢期提引龍鍾未擬休

出塞門

步步經戎虜防兵不離身
山多曾戰處路斷野行人
暴雨聲同瀑奔沙勢異塵
片時懷萬慮白髮數莖新

新年呈友

一月月相似一年年不同
清晨窺古鏡旅貌近衰翁
處

世間難得關身事半空浮生能幾許莫惜醉春風

銀州北書事

南辭采石遠北背乞銀深磧路雖多險

一作阻

江人不廢

吟鵬依孤堠立鷗向迴沙沉因共邊人熟行行起戰心

寄趙能卿

我命同君命君詩似我詩俱無中道計各失半生期素
業滄江遠清時白髮垂蹉跎一如此何處卜棲遲

夏州道中

茫茫沙漠廣漸遠赫連城堡迴烽

一作旗

相見河移浪旋

生無蟬嘶折柳有寇似防兵不耐饑寒迫終誰

一作難

至

此行

經故楊太尉舊居

在漢信垂功於唐道更隆一川留古迹多代仰高風樹
折巢墮鳥階荒草覆蟲行人過豈少獨駐夕陽中

東歸次采石江

東下經牛渚依然是故關客程臨岸盡鄉思入鷗閒雨

漲巴來

一作天

浪雲增楚際

一作國

山漁翁知未達相顧不

開顏

隴上書事

城疊

一作塼

連雲壑人家似隱居樹飛鸚鵡衆川下鵲鷁

疎滴夢關山雨資餐隴水魚誰知江傲客此景倍相於
陳情獻江西李常侍五首

二十二年遊秦復滯燕徒陪羣彥後自苦此生前徑
折啼猿樹巖荒噴月泉東堂曾受薦垂白志猶堅

浙浙復棲棲人間只自迷終年愁遠道到老去何蹊始
見紅葉落又聞黃鳥啼不因趨大旆誰肯暫提攜

童蒙即苦辛未識杏園春謾倚無為日還成不偶人鄉
程長恨遠旅夢亦愁貧天地雖云廣殊難寄此身

春闈久已滯秋賦又逢停選士疑

一作宜

長阻傷時自不

寧秦城還逐夢楚徼影隨形此去吟雖苦何人更肯聽
孤立時全塞求名勢轉難身多離下國分合阻長安越
鳥啼春早蠻花送雨寒丘門沾顧重未別欲闌干

經八合坂

躡險入高空初疑勢不窮又緣千嶂盡還共七盤同下
辨東流水平隨北去鴻天然無此道應免患窮通

送友人北遊

北出陰關去何人肯待君無青山擁晉半濁水通汾鴈
塞雖多鴈雲州却少雲茲遊殊不惡莫恨暫離羣

登凌敲臺

平蕪望已極况復倚凌敲江截吳山斷天臨楚澤遙雲

帆高出樹水市迴分橋立久斜陽盡無言似寂寥

曲江三月三日

滿國賞芳辰飛蹄復走輪好花皆折盡明日恐無春鳥
避連雲幄魚驚遠浪塵如何當此節獨自作愁人

贈棲白上人

閒身却不閒日日對天顏已住城中寺難歸海上山詩
傳華夏外偈布市朝間欲問空門事空門豈有關

野步

閒賞步易遠野吟聲自高路無人到跡林有鶴遺毛物
外趣都別塵中心枉勞沿溪收墮果坐石喚飢猱

過湍溝

一作浦

谷

西去窮胡

一作湖

處崑崖境不常石形相對聳天勢一條

長棧底鳴流水林端歛夕陽雖隨兵馬至未免畏豺狼

送友人遊蜀

一本無友字

巴興千萬尋此去若為心蟋蟀既將定獼猴應正吟劍
門秋斷鴈褒谷夜多砧自古西南路艱難直至今

題秦州城

聖澤滋遐徼
河隄四向通
大荒收虜帳
遺土復秦風
亂燒迷歸路
遙山似夢中
此時懷感切
極目思無窮

寄敬亭山清越上人

南朝山半寺
謝朓故鄉鄰
嶺上非無主
秋詩復有人
高禪星月近
野火虎狼馴
舊許陪閒社
終應待此身

秋江霽望

高秋偏入望
霽景倍關情
落木

一作葉

滿江水離人
懷渭

城山高孤戍斷野極暮天平漁父時相問羞

一作修

真道

姓名

隴州旅中

一作舍

書事寄李中丞

三伏客吟過長安未擬還蛩聲

一作驚

秋不動燕別思仍

閒亂葉隨寒雨孤蟾起暮關經時高嶺

一作枕

外來徃旆

旌間

秋日歸舊山

山雲蟬滿樹欲住更何安上國回將晚孤峰別自難磧

遙鴻未到江近夜先寒
泉石雖堪戀行人不願看

下黃耳盤

獨下黃盤路多虞
部落連雲晴仍著
地樹古自叅天
亂鳥飛人上驚麋起馬前行行無郡邑唯見虎狼煙

旅懷

終年唯旅舍只似已無家
白髮除還出丹霄去轉賒
夏遊窮塞路春醉負秦花
應是穹蒼意空教老若耶

題金山寺

四面波濤匝中樓

一作峰

日月鄰上窮如出世下睨忽驚

神刹

一作塔

礙長空鳥船通外國人房房皆疊石風掃永

無塵

送王侍御

一作郎

赴宣城

朝回離九陌島外賞殘春經宿留閒客看雲作主人時
清難議隱位重亦甘貧岩洞真仙境應休別卧鄰

題汧湖二首

偶得湖中趣都忘隴坻愁邊聲風下鴈楚思浪移舟靜

極亭連寺涼多島近樓吟遊終不厭還似曲江頭
隴首時無事湖邊日縱吟遊魚來復去浴鳥出還沉蜃
氣藏孤嶼波光到遠林無人見垂釣暗起洞庭心

宿青山館

下馬青山下無言有所思雲藏李白墓苔暗謝公詩烈
燒飛荒野棲鳬宿廣陂東來與西去皆是不閒時

宿同州厲評事舊業寄華下

從戎依遠地無日見家山地近風沙處城當甸服間阻

河通渭水曲苑帶秦關待月登樓夜何人相伴閒

聞蟬十二韻

造化生微物常能

一作偏宜

應候鳴初離何處樹又發去年

聲未蛺唯愁

一作微能

動纔飛似解驚聞來鄰海徼恨起過

邊城騷屑隨風遠悠揚類雪輕報秋涼漸至嘶月思偏

清互默疑相答微搖似欲行繁音人已厭朽殼蟻猶爭

朝士嚴冠飾宮嬪逞鬢名亂依西日噪多引北歸情篠

露凝潛吸蛛絲絲忽迸縈此時吟立者

一作聽久

不覺萬愁生

一本只十韻云造化全微物常能應候鳴初離何處樹
又發去年聲騷屑隨風遠悠揚類葉輕報秋涼漸至嘶
夜思偏清默守疑相答微搖似欲行繁音人已厭朽殼
蟻猶爭朝士嚴冠飾宮嬪逞鬢名亂依西月噪多引北
歸情篠露凝潛吸蛛絲迸忽
縈此時吟立久萬緒一時生

冬杪歸陵陽別業五首

無媒歸別業所向自乖心閭里故人少田園荒草深浪
翻全失岸竹迸別成林鷗鳥猶相識時來聽苦吟

眠雲終未遂策馬暫休期上國勞魂夢中心甚別離冰
封巖溜斷雪壓砌松歌骨肉嗟名晚看歸却淚垂

學劍雖無術吟詩似有魔已貧甘事晚臨老愛閒多雞
犬唯隨鹿兒童只衣裳時因尋野叟狂醉復狂歌
鄉國亂離後交親半旅遊遠聞誠可念歸見豈無愁敗
葦迷荒徑寒蓑沒壞舟衡門終不掩倚杖看波流
遊秦復滯燕不覺近衰年旅貌同柴毀行衣對骨穿籬
寒多啄雀木落斷浮煙楚夜聞鳴鴈猶疑在塞天

送王侍御赴宣城

一作赴越城令

戴豸却

一作忽

驅雞東南上句溪路過金谷口

一作外

帆

轉石城西水樹連天暗山禽繞郡

一作縣

啼江人諳舊化

那復俟招攜

春日烏延道中

邊窮厄未窮復此逐歸鴻去路多相似行人半不同山
川藏北狄草木背東風虛負男兒志無因立戰功

寄華陰劉拾遺

堅心持諫諍自古亦艱難寄邑雖行化眠雲似去官河
分中野斷岳入半天寒瀑布冰成日誰陪吟復看

憶江南

南楚西秦遠名遲別歲深欲歸難遂去閒憶自成吟雷
電閑傾雨猿猱鬪墮林眠雲機尚在未忍負初心

御定全唐詩卷六百三